

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ
ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ
ԽՈՐՀՈՒՐԴ**

12 փետրվարի, 2026 թ.

N 5 - Ա

Ո Ր Ո Շ ՈՒ Մ

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ
ՊԱԼԱՏ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆՆ ԱՆԴԱՄԱԿՑԵԼՈՒ
ՀԱՄԱՐ ԴԻՄԱԾ ԿԱԶՄԱԿԵՐՊՈՒԹՅԱՆԸ ՊԱԼԱՏԻ
ԱՆԴԱՄԱԿՑՈՒԹՅՈՒՆԸ ՄԵՐԺԵԼՈՒ ՄԱՍԻՆ**

Հաշվի առնելով «ԹիՎիԷս Ընդ Փարթներս Խորհրդատվական Խումբ» ՓԲԸ-ի (ՀՎՀՀ՝ 08308017) 2026 թվականի հունվարի 16-ի դիմումը՝ որպես աուդիտորական կազմակերպություն «Հայաստանի աուդիտորների և փորձագետ հաշվապահների պալատ» հասարակական կազմակերպությանն (այսուհետ՝ Պալատ) անդամակցելու համար,

Նկատի ունենալով «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի (այսուհետ օրենք) 18-րդ հոդվածի 4-րդ մասը,

Հիմք ընդունելով Օրենք 18-րդ հոդվածի կարգավորումները, մասնավորապես՝ նույն հոդվածի 1-ին մասի 2-րդ կետը և նույն հոդվածի 6-րդ մասի 1-ին և 2-րդ կետերը, Պալատի Կանոնադրության 14.17.20 կետը, 2020 թվական սեպտեմբերի 29-ի N 2-Լ որոշմամբ հաստատված Պալատին անդամակցելու կարգը,

Նկատի ունենալով, որ «ԹիՎիԷս Ընդ Փարթներս Խորհրդատվական Խումբ» ՓԲԸ-ն չի համապատասխանում Օրենքի 18-րդ հոդվածի 1-ին մասի 2-րդ կետի պահանջներին, դիմորդ կազմակերպության կողմից ներկայացվել են Օրենքի 18-րդ հոդվածի 6-րդ մասի 2-րդ կետով սահմանված պահանջները չբավարարող փաստաթղթեր, մասնավորապես՝ «ԹիՎիԷս Ընդ Փարթներս Խորհրդատվական

Խումբ» ՓԲԸ-ի կողմից Պալատ ներկայացված փաստաթղթերի համաձայն ընկերությունը չի բավարարում այլ գործատուի մոտ չաշխատող առնվազն երկու աուդիտորներ ունենալու պահանջը,

Պալատի խորհուրդը որոշում է՝

1. Մերժել «Թիվիէս Ընդ Փարթներս Խորհրդատվական Խումբ» ՓԲԸ-ի 2026 թվականի հունվարի 16-ին ներկայացված դիմումը՝ Պալատին որպես աուդիտորական կազմակերպություն անդամակցելու վերաբերյալ:

2. Սույն որոշումն ուժի մեջ է մտնում Պալատի պաշտոնական կայքում հրապարակման պահից:

ԽՈՐՀՐԴԻ ՆԱԽԱԳԱՀ

ՄԱՆՎԵԼ ՂԱԶԱՐՅԱՆ